



Concello da Coruña

Anotada en el Libro de Resoluciones de la Junta de Gobierno Local, con el núm: RES/AYT/19872/2023 13/10/2023

Area / Unidade RR.HH PE0000 AMG	Documento 1081710AVK	
Código de verificación  1M09 6O6P 1C38 596N 0JMK	Expediente 108/2023/1715	
	Data 06-10-2023	

Asunto: Cobertura, en comisión de servizos, do posto de administrativo de atención tributaria (ref. posto 159).

RESOLUCIÓN

ANTECEDENTES DE FEITO

Primeiro.- A xefa de Servizo de Xestión Tributaria, remite ao Servizo de Recursos Humanos unha solicitude de convocatoria pública para a cobertura, mediante comisión de servizos, do posto de administrativo de atención tributaria do Servizo de Xestión Tributaria, nº referencia 159 da RPT.

Dita cobertura temporal do posto de administrativo de atención tributaria precísase para levar a cabo as tarefas de asistencia á cidadanía no deber de autoliquidación do imposto sobre o incremento de valor dos terreos de natureza urbana, asistencia á xefatura de unidade na remisión de asentos rexistrals recibidos na Franxa aos seus destinatarios noutras áreas do Concello, asistencia ao persoal do rexistro da Franxa na formación nos aplicativos e como reforzo en caso de baixas ocasionais do persoal ou incremento da afluencia de contribuíntes para a presentación de solicitudes; así como tamén para a implementación do resto de taxas para a autoliquidación de todos os tipos de ingresos na OVC.

Todo o anterior, fai que resulte necesario, por causas de urxencia e extraordinaria necesidade, a cobertura temporal do posto de administrativo de atención tributaria no Servizo de Xestión Tributaria, nº referencia 159, para evitar prexuízos no correcto funcionamento da Unidade de Información e Rexistro da Franxa do Servizo Xestión Tributaria dado o seu carácter esencial para garantir unha correcta prestación de servizos á cidadanía e facilitar a continuidade do desenvolvemento da atención tributaria á cidadanía cun estándar mínimo de calidade e eficacia na prestación.

Segundo.- O día 21/09/2023 o Servizo de Recursos Humanos publica un anuncio de convocatoria para a cobertura temporal, do seguinte posto de traballo:

1. Administrativo de Atención Tributaria (referencia 159).

No citado anuncio, indícase que o persoal funcionario de carreira, que conforme a RPT vixente e as normas de xestión, reúnan os requisitos necesarios para a ocupación de este posto de traballo e que queiran participar nesta convocatoria, deberán presentar a correspondente solicitude nun rexistro municipal ou na sede electrónica, acompañada dun currículo, no prazo de 5 días hábiles, a contar desde a publicación deste anuncio.

Terceiro. As características do posto de traballo a cubrir, segundo os datos que constan na Relación de Postos de Traballo vixente, son as que se detallan na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Xestión Tributaria	GT5000	Información e Rexistro Franxa	Administrativo At. Tributaria	159	C1	20	AX	FR06 AP1

CONSIDERACIÓNS LEGAIS E TÉCNICAS

Primeira.- O artigo 96 da Lei 2/2015, de 29 de abril, do emprego público de Galicia, regula a comisión de servizos voluntaria, onde establece que os postos de traballo reservados ao persoal funcionario de carreira pódense prover excepcionalmente e de maneira temporal mediante unha comisión de servizos voluntaria. O artigo 64.6 do Real Decreto 364/1995 de 10 de marzo polo que se aproba o Regulamento Xeral de Ingreso do Persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado establece que aos funcionarios en comisión de servizos reservaráselles o posto de traballo, o que hai que relacionar que o apartado 8 do art. 4 do Decreto 92/1991 de 20 de marzo polo que se aproba o regulamento de situacións administrativas dos funcionarios da Administración da Comunidade Autónoma de Galicia dispón que a comisión de servizos será desempeñada voluntariamente salvo nos casos de carácter forzoso.

Así mesmo, o artigo 30 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da CCAA de Galicia e das entidades públicas instrumentais integrantes do sector público autonómico, establece que o persoal funcionario de carreira con destino definitivo poderá ocupar, excepcionalmente e de maneira temporal, un posto de traballo en comisión de servizos de carácter voluntario sempre e cando pertenza ao corpo ou escala e reúna os demais requisitos que estableza a correspondente relación de postos de traballo.

As comisións de servizos poderán acordarse, entre outros supostos, para desenvolver un posto de traballo cando estea vacante; entendendo que un posto está vacante cando non ten titular, cando o seu titular estea ocupando outro posto en comisión de servizos ou cando estea de permiso por parto, permiso por adopción, garda con fins de adopción ou acollemento, ou permiso do proxenitor diferente da nai biolóxica por nacemento, acollemento, garda con fins de adopción ou adopción dun fillo ou filla.

O posto da RPT nº 159 de administrativo de atención tributaria do Servizo de Xestión Tributaria, actualmente atópase vacante.

Segunda.- Unha vez examinada a solicitude recibida e o CV do único candidato presentado, o coordinador xeral da Área de Economía e Planificación Urbana, en informe de data 5/10/2023 con código de verificación 3X2D506E5B4D004E0RER, así como a xefa de Servizo de Xestión Tributaria no informe de 19/09/2023 con código de verificación 0W3B 315Y 0K2M 166A 0NMC emiten unha proposta de nomeamento de Don Tomás Amado Vila, en comisión de servizos, no posto de administrativo de atención tributaria no Servizo de Xestión Tributaria (ref. posto 159).

Terceira.- Cómpre indicar, en relación á motivación da adxudicación dun posto en comisión de servizos á persoa considerada máis idónea, a sentenza nº 472/2022 do 1 de xuño de 2022 do Tribunal Superior de Xustiza de Galiza, a cal establece que ao tratarse dun sistema excepcional e temporal non require un proceso de selección ordinario no que exista unha publicación dun baremo e unha valoración provisional de méritos. A comisión de servizos é unha vía excepcional de provisión temporal dun posto de traballo cuxa cobertura resulta necesaria e urxente a través da designación do persoal funcionario de carreira que resulte idóneo e cumpra as esixencias para o seu eficiente desempeño. Por tanto, esa nota de urxencia e idoneidade, outórgalle



Concello da Coruña

un plus de discrecionalidade á Administración convocante, respectando sempre os principios de igualdade, mérito e capacidade.

Considerando a urxente necesidade de cobertura do posto de administrativo de atención tributaria no Servizo Xestión Tributaria, (nº ref. 159) e co fin de que non se produza discontinuidade no funcionamento na unidade organizativa de Información e Rexistro da Franxa, no Servizo Xestión Tributaria, e tendo en conta o disposto nos arts. 81 e 84 do Real Decreto Lexislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público, o art. 101 da Lei de Bases de Réxime Local e o art. 96 e ss da Lei 2/2015, de 29 de abril, do emprego público de Galicia e o art. 3 do Decreto da Xunta de Galicia 93/1991 de 20 de marzo e demais normas concordantes, así como que o funcionario proposto reúne os requisitos, procede destinar a Don Tomás Amado Vila, en comisión de servizos, ao posto de traballo de administrativo de atención tributaria no Servizo de Xestión Tributaria co número 159 na RPT.

Cuarta.- Esta comisión de servizos ten carácter temporal e a súa duración será ata dun ano. Dita comisión de servizos pode prorrogarse un ano máis ou ata a celebración, no seu caso, do correspondente proceso de provisión de postos. Unha vez terminada esta comisión de servizos, o citado funcionario volverá ao seu posto de orixe en caso de non obter este posto con carácter definitivo polos sistemas legalmente establecidos.

As características do citado posto de traballo son as seguintes:

Servizo	Código	Unidade Org.	Posto	Ref.Posto	G	N	Esc	C.E.
Xestión Tributaria	GT5000	Información e Rexistro Franxa	Administrativo At. Tributaria	159	C1	20	AX	FR06 AP1

Quinta. O posto de orixe de Don Tomás Amado Vila, segundo os datos que constan na Relación de Postos de Traballo, descríbese na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Tesourería Xeral	TG0000	Tesourería Xeral	Oficial de caixa	1256	C1/C2	18	AX	FR07 AP2 (QM)

Sexta.- Os custos que xenere esta comisión de servizos atópanse orzados no grupo de programa 934, existindo crédito adecuado e suficiente para iso.

Sétima.- O órgano que ostenta a competencia en materia de persoal, segundo o disposto no art. 127.1. da Lei 7/1985, de 2 de abril, reguladora das Bases de Réxime Local, é a Xunta de Goberno Local. Por acordo da Xunta de Goberno Local de data 05/07/2023 (BOP nº 131 de 11/07/2023), atribúese delegación xenérica en materia de xestión de persoal ao concelleiro delegado de Economía, e Planificación Urbana.

Á vista do informe emitido polo Servizo de Recursos Humanos, o Concelleiro responsable da Área de Economía e Planificación Urbana por delegación da Xunta de Goberno Local do 05/07/2023 (BOP núm. 131 do 11/07/2023), en uso das facultades que ten conferidas,

RESOLVE:

1. Destinar a Don Tomás Amado Vila (NIF **7743**), en comisión de servizos, ao posto de administrativo de atención tributaria do Servizo de Xestión Tributaria (nº ref. 159).

As características do posto a ocupar son as descritas na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Xestión Tributaria	GT5000	Información e Rexistro Franxa	Administrativo At. Tributaria	159	C1	20	AX	FR06 AP1

Os efectos económicos e administrativos desta comisión de servizos serán os do día da formalización da correspondente acta de aceptación.

2.- Esta comisión de servizos ten carácter temporal e a súa duración será dun ano. Dita comisión de servizos pode prorrogarse un ano máis ou ata a celebración, no seu caso, do correspondente proceso de provisión de postos. Unha vez terminada esta comisión de servizos, o citado funcionario volverá ao seu posto de orixe en caso de non obter este posto con carácter definitivo polos sistemas legalmente establecidos.

3.- Notificar a presente resolución ao interesado, e á xefa de Servizo de Xestión Tributaria.

A Coruña, na data da sinatura electrónica deste documento

A XUNTA DE GOBERNO LOCAL, P.D.

Concelleiro delegado responsable da Área de Economía e Planificación Urbana

José Manuel Lage Tuñas